



古仁忠孝節

國朝
書畫
印

亦清
書畫
印

卷第十九
陰余及

胡文忠公手翰序

咸同之際湘軍名聞天下中興之功首推胡文忠維時吾家逸亭兄尤爲文忠所倚重嘗與糧台書言金逸亭爲湘軍中最久之人得兵心明地勢六字之考可質天地鬼神而無疑其長處尙不止此若有緊要軍謀無以易此老又言請票兌千金迎其母駐黃州則異日吳楚不止百萬金之益云云載文忠集中

見全

集第七十二卷

爲所推重如此兄在軍時文忠所致手書凡

胡文忠公手翰

序

一

百數十通其有賓僚代繕者亦必手加批註兄歸田後搜輯散佚彙裝八冊其已刻文忠集者二十一函有集中有而此本無者二函知手翰散佚尙多也周小棠京兆謂宜付諸手民用垂久遠俾有志者得以觀省倣法兄旋卒於粵臬任所壬辰歲余銜恤里居其孫家幹復以出示爲之排比略次前後分上下二卷遂以授梓其原分兵略手翰者今并名曰文忠手翰謹按兄先以諸生佐羅忠節於湘軍嗣是李忠武

勇毅相得益甚曾文正駱文忠左文襄彭剛直亦傾
心刮目其功之最著者解寶慶之圍運謀制勝盪決
無前胡集第六十八卷致葉介唐函云金逸亭觀察
一軍爲湘軍之最强者本年破寶慶二十萬賊
卽此十餘營之力 天堂山之捷拔鮑軍門超於小池驛圍中

關係鄂皖全局其後克孝感克德安越境援南陽皆
有奏牘可稽卓卓在人耳目者存此手翰兄之幹濟
可見大凡而當日軍事艱危文忠之任賢用才均可
想見不僅足補文忠全集所未備已也光緒十八年

胡文忠公手翰

序

二

壬辰十二月金武祥

題識

札內有云居高臨下總是勝著腳踏實地總是穩著
又云干言萬語莫切於堅忍二字又云慎以愚之明
以決之文忠公用兵大旨不外乎此又云此時此世
以兵爲家公之志可知矣又云心至專一無不可擔
之事亦頗空虛無不可商之事此公自道生平得力
處也逸亭觀察爲公倚重若此吾又以信公知人之
明光緒元年嘉平九日北平沈桂芬

胡文忠公手翰

題識

一

胡文忠公以天下爲己任方撫楚北卽謀皖謀吳謀
越統籌全局不分畛域卒成恢復大功平生汲汲留
意人才由是英賢輩出咸同以來吏治亦蒸蒸日上
實唯公有以開風氣之先函內有云志專無不可擔
之事心虛無不可商之事兩言殆已該之尤賴朝
廷倚任之專凡所陳請立予俞允無絲毫掣附上
下一德內外一心以致今日豈偶然哉逸亭觀察與
公同志并力共事多年不但搗銳攻堅倚以辦賊卽

凡求賢用人安民籌饗與擇將進軍一切布置機宜
咸與精思密商謀定後動針芥之投於此可見矣敬
贅數語並誌景佩光緒元年嘉平月初七日周家楣
逸亭仁兄見示胡文忠公手翰四冊家楣已讀而誌
之復承示公兵畧偶存四冊手翰亦兵畧也唯彼則
公親筆此則由賓僚代繕居多耳家楣曾得楚北山
左兩次刊公遺集山左之刻在後搜羅較多而此冊
尙未盡收刊然冊中所著無論長篇短幅皆見公精

胡文忠公手翰

題識

二

神詣力之所在其堅苦之行忠誠之惓恢博之度明
決之用及與逸公心心相印合轍同揆之妙由今披
覽無異身親目擊鄙見擬請逸公以此八冊付之手
民用垂久遠俾有志者得以觀省做法成就一有用
之才卽爲 國家多一指臂之用方今大局亟待維
持濟時全在用人欲得有用之人必先爲有用之學
質之逸亭仁兄以爲何如文忠往矣今逸公乘時奮
跡吾知其取以佐昇平慰知己而答海內之想望者

大有在也家楣又識

右胡文忠公手翰四冊兵畧四冊與金逸亭廉訪昔
在軍中往來商榷兵事者其言多集中未刻之稿子
受而讀之覺明利害審情勢如伏波聚米虜在目中
矣而制勝之要則曰堅忍曰詳慎昔孔氏荅行三軍
之問謂臨事而想好謀而成嗚呼若文忠者可以當
之矣文忠豐功偉烈焜燿史編實開中興之業逸亭
親炙最久倚如左右手戰績卓著在楚皖豫三省乃

胡文忠公手翰

題識

三

其深自斂抑雅度回翔見者幾忘帕首韉刀氣象夫
以文忠之推讓僚友扶植忠良湘鄉曾文正公自媿
不逮而逸亭實所識拔不稍矜炫可謂善處功名之
際者哉予旣仰慕文忠而又服逸亭之謙受也謹識
數語以誌嚮往光緒五年春月覺羅成孚

金逸亭方伯以胡文忠公軍營書札百數十通裝爲
八冊出以見示當時事勢之艱危文忠之忠勤智勇
歷歷可觀而方伯之才識能與文忠契合亦因之而

見矣今海內晏然方伯跋歷封疆安撫百姓不見兵
革固所願也萬一有事則將繼文忠之勲業此八冊
者乃其親傳密授之兵書矣光緒五年己卯二月番
禹陳澧

胡文忠公手翰

題識

四

胡文忠公手翰卷上

連日晴朗心念軍事刻刻在抱滌帥各函敬慎之意

錄以塵閱

初八日

初七日得初六日書具悉一切步軍萬人應由統帶自選則籌兵一層似可不虞其掣肘霍山之米自應由營採辦可發給米價萬金交營委員由六霍舒固始分採亦似不致空乏則兄所慮二端足以自便惟翁中丞迭函請兵到霍山一節近兩日則以舒城援

胡文忠公手翰

卷上

一

至霍山六安等處飛稟望援弟意欲先撥撫標二營入城暫守蓋慮賊踞此城則異日進兵爲難也且聞有賊糧五千石亦棄之可惜惟弟營分撥殆盡且萬一有賊到霍山則閉城固守固可十日不疲然終無不發大隊援應之理亦無不速卽援應之情若他處不牽綴則萬人亦須直進矣此層應請速爲思議決其可否明日可于英山城外面敘一切

初七日見全集卷六十

石頭嘴七營惟事公二營尙待斟酌餘均一氣撫標
有無可挑隨兄酌之若以一軍從霍山入毛坦敵一
軍馬隊從流波潼會于毛坦敵或可將松子關五營
撥二三營或竟不要
此五營亦隨便弟意此五營除兄撥去卽歸多禮堂亦妙則松子關商固均無警
矣又及

滌帥初九日來函抄上然霍山棄之可惜得霍山則
明年不致頓兵堅城之下爲霍山之城賊所綴所慮
者惟六安一路并商固耳十三日

胡文忠公手翰

卷上

二

此賊非老湘營不能破也然亦須敬慎而又兼以忠
勇余丁之應否一路應否兩路悉聽調度凱右信左
已拔營朱昂文二十九日到英山或卽拔營或初二
日拔營俟面晤朱將卽定余丁應札飭歸兄調度以
便布置并力大戰奇功可成二十八日夜

伍議坳上此事只在審勢審機萬難遙制明日當以

凱右信左建威三營拔營來會

二十
八日

聞兄駐觀音岩而月臺爭前會亭留後可請檄會亭

於出隊時派隊助戰會亭老練勝於月臺也舒六爺馬隊二百亦請其來助可用則試用之不須馬隊亦無妨也

十八日辰刻

與此股賊戰須厚集其力乃可破滅兄須調昌軍三
四營會剿爲宜總須八千人力以并而加厚不可過
單也蕭翊十九日乃可到英山卽令其前往天堂駐
守已運銀萬兩并鹹斤由高橫嶺前來

十八日亥正

希菴打仗總是先一日二日審閱地勢四面八方先

胡文忠公手翰

卷上

三

行設想故不致受賊之詭計乞仿其法而穩固以出
之

初二日夜又及

多禮堂二十四日之函并採一紙鈔上其信中言一

戰之後分出三分之一則或由潛而天堂由舒而霍

山未可知也由潛桐之間入天堂分數居多望採實

日者言二十九初一日太

二十湖西北當有突出之賊六日

弟曾飭蘭溪舟次多運錢文二萬串入英山城以備
尊處與幹臣取攜又糧臺文到現又加運銀一萬兩

以備霍山撫湘營米價亦已運到隨尊處支取自便

二十
三十

有信寄希菴井上上獲一匣希菴之行不必強強則太忍也滌帥喜報一紙奉上公可放心前進矣水吼嶺等處近日當有戰事事公已札調陳德園其心則

怨矣

二十
一日

得二十八日來示敬承一切信左凱右已來助二十

九日拔營吉營必欲在此過年

二十九日
到英山

弟亦難促

胡文忠公手翰

卷上

四

初二三當可續進矣尊處以二十營擇離賊營二十

里十餘里要隘安老營余會亭最老練穩實丁月臺

亦明白勇敢此番并力以謀不可零星分散

臨陣卻
須分枝

正月初旬至元夜奪崑崙之時大功必成

須嚴陣
須防後希

菴打狗謀過於戰蓋整隊而預防包抄

須有堅定之
營按兵不動

者得勝而不窮追耳老兄須公商各將妥慎爲之敬

戒於始果決於中如須舒六爺馬隊來助或可百疋

山外可用山中似無大用也候信遵行

其老馬隊四
百已到幹臣

處矣多信來請兵故作危詞而不知兵畧兵機之所在
看來鮑超緊要須援亦是實情耳

二十九
日夜

鄙人之愚欲屠狗以賀新年非內外夾擊不爲功非
正月初旬中旬亦不爲功然賊勢較石逆爲少賊計
較石逆爲狡爲悍須一萬人并力同心則山中一軍
乃可操縱自如山內地勢與出山之要徑細訪沈思
乃能得其要領僅當一面會亭月台或同湘軍并力
一路出山之後分枝或自留二營守天堂老營而獨

胡文忠公手翰

卷上

五

出要徑穩紮穩打尙須加以團練在後以助聲威以
作牆壘務期約會多蔣鮑三軍訂以初旬不雨不雪
之吉日而又移駐距賊不甚遠之地安營其日出隊
打仗不過十餘里二十里則兵不勞而賊可破也此
賊破滅則吳安而楚亦安未出隊之先戒太勞戒太
遠臨陣須防包尾防截後戰勝之後戒搶物戒散隊
戒窮追此爲切囑不輕敵而慎思不怯敵而穩打斯
得之矣其緩急分合機宜弟不遙制鄙意總以并力

爲主穩打爲主此是奇兵也奇兵而出之以穩尤奇

之奇也

二十八日 見全集
卷六十八手翰缺

看來多鮑蔣恐支撐不易多欲弟再撥五營弟思撥
來撥去終歸無補不如決計密約山外山內夾攻惟
機不可久鈍而此軍又須一戰成功卽改道霍六耳
凱右信左今日已行吉營今日可到英山如不停住
初一日可到尊處如初二開行則初四日乃到尊處
俟朱品文到此再商尊處十四營會亭處九營可酌

胡文忠公手翰

卷上

六

留二三營不動如果并力大戰卽山外多鮑蔣不能
會剿當亦有功可成況可密密約會耶但須并力乃

成大勳

二十
九日

今日已專函奉上而多禮堂告急請兵蔣之純卻未
請兵也弟處本無多兵卽令有兵亦不可盡注一處
作爲策局兄之一軍須如生龍活虎又如魚躍鳶飛
乃可肆應不窮弟意如兄馳書蔣鮑可以從高橫嶺
山內作爲奇兵

并請調余
丁并力

則不僅救援多鮑蔣且可

收滅賊之奇功惟地勢如何近二三日及再過三五日賊情如何則隨兄之隨機應變耳總之弟管第三路兼顧第四路斷無可推諉及賊之尙未犯霍六助潛太之力則可若久滯其地任賊變計而我無以應之則必不可此時應駐老營于何處二十里十餘里之行仗可打亦須有小圍場太遠則恐不及也此信須及時賜復外抄之純介唐信稿會亭信稿禮堂咨文又傳聞四眼狗于二十二日打仗後抽出三分之一他往

胡文忠公手翰

卷上

七

是何情形尙乞審察日久則必走霍六一帶矣

二十六夜

進兵宜速并力決勝之後尤宜穩希菴打狗總是穩

不可及耳抄信奉上救鮑爲要

真賊多居民房壘中多假賊破壘非功殺

賊乃爲功也思患不可不密決機不可不敏

三十日巳刻

弟只恐賊不求戰耳如賊不求戰必是專力於前而

固防於後惟有將民房賊館排隊逐層焚燒

須用火紙乃能

然漸次燒入不過三四日可以一空空一步即可無

私藏館中繞截之虞矣莫姑息切囑

十二日三更

昨夜得二十二日書欲從羅山冲入手欲從西擊其
首有合於圍師必闕之微旨有鑒於關門殺賊之必
有近憂已詳悉敘稿准行其札件卽封交尊處相機
而動量敵而進桂禮之營氣矜意躁且駐天堂凱右
貞左不可更調應益以禮左駐水吼嶺余軍六營不
可抽去二營應全軍隨兄征剿乃可得力 天堂若
無葉令安能得民心得民力若此 君移營太湖地
界轉運近而轉難米糧則須營中分人採辦太湖蘄

胡文忠公手諭

卷上

八

州之交多米米價亦賤弟雖札飭責成彭牧蔡令然
營中不自採辦則萬一貽誤參官不難誤事已屬無
及其銀錢油燭則弟已改由英山至羅溪河矣其天
堂已經發運者可趕緊運之 山外近二三日必有
戰事弟札雖封交兄處恐情形不同請命而行至速
須三日而軍機瞬息千變不可拘也 兄六千人余
會亭三千人不分派則亦良厚不薄矣去年麻城尙
無許多兵力 如再嫌兵少或山外竟不能得手弟

已函請滌帥商以雲岩七營六成隊折回太湖從山
僻來助來不來不可知卽難如約而兄之兵力亦尙
不單羅溪河之兵兄不知其淺深耶何可調撥兵事
之勝負不在多寡若湊數之兵則有不如無多不如
寡一賊移營易而官軍難萬一賊有變計當迅赴之

二十
四日

昨日各札封交到否今日得二十四日書尙未定移
營之地滌丈總欲弟調幹臣弟意如調幹臣則天堂

胡文忠公手翰

卷上

九

後勁有人僅以禮左一營暫行鎮守亦無不可所酌
之迅卽賜復

二十五
日夜

賊有更番迭進之勢故初陣敗而後陣之待進者尙
多狗賊則必遲之又久乃肯自出也當思有以破之

莫如堅忍以挫其氣待其氣竭破之必矣

二十七
日申刻

千言萬語莫切於堅忍二字以逸待勞以主制客以
靜馭動以整擊散守此則大勲必成莫爭旦夕之功

以救吳楚之命至囑

二十
七日

舒六爺之馬隊二百并察營總之百二十名如可用
此卽速函催今日已專函迎催察營總矣舒六爺亦
請其到大湖河小湖河候兄函商山中兵力不如山
外之多一切以持重爲要不爭旦夕之功乃爲吳楚
之福又及

設馬步撥子之處距賈處二百四十里因馬步兼宿
松與太湖文報也尊處轉運應由英山至野溪河羅
溪河只一百四十里耳一切已安排妥當蘄州彭牧

胡文忠公手翰

卷上

十

已領銀三千採米太湖蔡令已設局辦夫兄處可函
催之又及

蕭爲則添二營每營三百八十人如在青草壩成營
卽就近札飭支應舟次有錢有帳房軍械可領

十一
日夜

右路中路與小池驛近與狗窩亦近鄙意此二路須
一萬人并打兵力以並力而愈厚軍氣以合打而愈
強其左路或深入或不深入卽以二千人駐水吼嶺
亦或可行酌之弟遙揣之詞非有成見也天堂後路

不須重兵爲守信左凱右亦須調入前敵

細思山內一軍以右中并力而戰賊鋒銳須厚集其力以勝之左

路暫爲扼險主靜不主動大抵居高臨下總是勝著

腳踏實地總是穩著

初七日

看來賊氣頗弱如有深籌奇策可一鼓而盡殲也乞

公深思之舒公舊馬隊已飭初五日繼進

二十二日夜

二十二日之戰多與蔣均不甚利多與蔣稍挫卽怨人稍勝則驕人此器量之淺也而多較甚多咨來請

胡文忠公手翰

卷上

十一

馬隊弟顧第三路第四路僅舊馬隊三百餘員名多處舊隊一千二百名且弟處馬隊已進霍山樂兒嶺勢無可分舒公在蘄水則西丹之未經戰陣者也萬不可倉卒誤用多咨來請步隊二三千人多處四千七百人蔣八營四千人鮑三千六百人合共萬餘人若再益二三千人是注重於一路而不顧其餘矣如謂力不能抵禦應以萬人出奇計趨間道援之一擊之後仍當收回則兵勢如生龍活虎兵機如魚躍鳶

飛活潑潑地此爲全勝之算但須審機審勢又臨陣之際須以萬人并力有前有後有防抄襲之兵有按納不動以應變之兵乃是勝著耳如派某人守後不應期而進便是違令應期而不進便是怯戰此則必須大令嚴明者也若徇他人之意以前爲美以後爲非則必不妥矣

二十六日 見全集卷六十八

兵事以審機爲上審勢爲上兵事以靜制動以主制客以整制散以逸制勞爲上一切不遙制安籌靜思

胡文忠公手翰

卷上

三

仍須并力乃可行也

二十六日

來函已悉陳德園或可以李李楊三營并樹人一營助之尊營且老三五八日審機再動四路偵探爲要希函奉上蕭軍尙在湖南募勇及告假更換也

十八日

昨日恩恩未及送駕蕭浚川十一月二十七日過湘潭則臘月必到韋志俊爲楊直清楊輔清古隆賢黃文金等所攻已遁走池州又爲賊踞然以賊殺賊甚是好事不足惜也京信來迪庵先生賜諡忠武此止

等謚法也弟日內當到尊營一次面述一切

十一日

昨日厚擾謝謝連日陰雨拔營須遲探報二紙大致均確惟此時六霍尙無事吳曾可先到黑石渡大營且待五六日後再行斟酌弟意正月節前後會於霍山正不遲也弟意恐天堂不支或須派人應援未知籌思以爲然否張啟基報湘營已於初十日到漢口因十一日天寒風起尙未開行

十六日

與四眼狗戰全在布置希菴所慮至深二十二日地

胡文忠公手翰

卷上

三

靈港似是小挫且聞捻匪白毡帽甚多也看來必是虛壘以奪財物因此上當是當嚴禁也至山內出山以爲拊背衝腰之計原是上算鮑處蔣處曾微示之意商量地勢多處尙未言明也應否行止緩急尙乞沈思密酌又湖南奏蕭軍由澱浦入蜀且言以田興恕助之而并請滌帥主持其事滌帥入蜀否尙不知天意如何而蕭之不來無疑矣事不好辦如何如

何

二十
六日

滌帥之意不過以穩固爲主弟意中路右路兵力須厚左路進兵須據險而稍遲初九初十日各營可齊十三日聞說是賊之過年日期或賊必不出隊此外相機進剿弟不遙制只求穩耳

初六日

唐營新到小挫蓋總是好撲壘而不防包抄也打此

賊總在必勝不在急戰

初八日 見全集六十九與此小異

總須有謀以濟其勇可十日不戰不可一戰不勝有打仗之營有防包抄之營切要

胡文忠公手翰

卷上

古

吳楚安危東南安危全恃山內一軍舍此并無後繼亦無後勁不可不慎也

初六日訓營到小池驛唐蔣鮑高興撲壘而賊乃轉而包抄以撲去唐三壘此賊陳李宮張四酋并集幸

審其機而毋自恃兵強兵多也

深穩自持待其來戰更妙 初八日

二十五日得株紫關手示敬悉一切所改行天堂道路較爲平正直捷足見仁兄之志在滅賊各營大將之同心協力也且感且敬惟軍事以審地勢審賊勢

爲第一要義卽如從天堂山內打出此卽地中鳴鼓
角天上出將軍也然必須通觀賊勢之輕重細察地
勢之險夷乃可得手葉介唐以救潛民爲重急切請
援其士民來營面見者或恐官軍之不前則隱約其
詞而不肯明白細說此地勢賊勢所宜細審者一也
余會亭尙老穩亦深知軍中艱苦丁月臺勇往有餘
軍事曲折尙少閱歷其所陳說亦須詳察此地勢賊
勢所宜細審者二也地靈港木子凸杜母殿金家大

胡文忠公手翰

卷上

五

屋走馬坦撥蒿販韓家凸三角凸七里冲等處地勢
是否阻水依山地圖不載我衝賊後本是上策但恐
汝港之分歧或阻我軍之前山徑之叢薄或繞我軍
之後非深明兵畧地形者前往看實未可深入此賊
勢地勢之宜細審者三也二十二日之戰蔣鮑尙無
信來多公所報傷亡副都統銜者四員且吞尾尙言
剿辦殊難得手是二十二日之戰并未十分妥善因
壘搶物入討賊之志不以一眚而自撓其心而滅賊之

功必須萬全而自立於不敗之地此地勢賊勢之宜
細審者四也至內外夾擊之舉應於審察確切後再
行密商多蔣鮑三君子其時在明年正月初旬或元
夜奪崑崙關之前固不可急尤不須急也

二十五日
二更見

全集卷

六十八

再者如果地勢賊勢大可有爲

不合勢則宜
靜不宜動

則以余

會亭丁月臺并松子關及英山營爲一路兄爲一路
或并作一路亦可以全力全勢會剿乃成大功酌之示之各

胡文忠公手翰

卷上

七

營大將均此未另

再者如果地勢得宜固以并力剿除爲上策不急在
目前三五日而卻須一打便勝若頓兵潛山山外求
戰不得而太湖之賊旣軼出於外潛山之賊又繞舒
桐以窺他處我軍并重於一隅亦非兵法之善也此
中緊要機宜兄可密審詳察又及

須一戰卽勝乃可
行若頓兵於山外

求戰不得求退不可則必不可行須審

之二十五日夜

見全集卷六十八

迭閱春霆弟之純兄來函揣度賊勢或必由水吼嶺

高橫嶺內犯近數日賊匪未敢動作者蓋外怯小池驛黃泥港之兵內怯柳林河朱武廟之兵也鄙意之純兄尙留四營在太湖之東面如不移動須義渠兄添兵以助之如須移動則請移會小池等處與春霆之營相犄角援應庶霆湘之力以合并而均厚此應商者一也又閱葉令及余會亭丁月台各函則水吼嶺高橫嶺鐵鎖嶺尤爲緊急刻下舒公舊馬隊二起及吳幹臣五營已進黑石渡則霍山已可無虞兄十

胡文忠公手翰

卷上

七

一營二十四日循潛山之東界嶺青田畝進兵應如何相機會剿或以兵代防天堂而以天堂九營備剿或留一二整營守險而以六七成隊挾行帳鍋釜會同天堂九營挾全勢全力進剿緩急之兵機分合之兵勢應由兄主持其賊情之動靜多寡山徑之夷險遠近則由余會亭葉介唐詳悉函商或待賊之變症而急起應之賊有變症則賊情畢露即小有破綻而彼竭我盈彼肆我敬亦必勝之道也或及其游魂未定而先破之兄一軍破賊後即須速進舒六之內乃爲勝算

又多禮堂信來賊意不在窺天堂而在急救太湖確否此間遠隔三百餘里不

能遙制也如天堂各軍及潛山山內各軍果有機宜亦可密會山外黃泥港小池驛作內外夾擊之勢此應商者二也至潛太得手則兄與之純兄均須并力舒六之間而桐城樅陽廬江三處乃謀皖之要著何枝應何路每路須若干人其集思廣益明以教我此應預商者三也

十二月二十三日三更

弟所思慮不必盡是亦決不肯執持已見惟屠狗之

胡文忠公手翰

卷上

六

心滅賊之心則甚堅耳如有可採擇之處惟兄酌之兵事之妙古今以來莫妙於拊其背衝其腰抄其尾從天堂出杜埠野人寨則自古用兵之奇計一舉盡之矣惟須審明地勢賊勢并須地方官紳預先安排糧米引導路徑耳又及

二十三日三更

二十四日復多禮堂函另抄寄閱其如何策應天堂

後路及水吼嶺等處之處卽祈卓裁示復

十二月二十四日

昨日公函敬悉已商之事恆矣

如事恆不肯到霍山尙是守兵可囑其不

動不准過河俟兄到後再動松子關三營調來弟處尙可撥一二營亦儘可戰矣擬均隨兄調遣

于滌帥敬之甚至故一切委曲以求全唐七營蔣四營暫留太湖多與鮑與蔣四營已到小池驛新倉黃泥港矣賊必從山內犯大堂尊處可囑余會亭每日一報軍情至尊營必須三營到後再行相機愈遲愈妙愈老愈堅舒六爺舊馬隊四百弟亦屬其候信再行拔營蓋軍事有以先一著而勝者如險要之地先發一軍踞之此必勝之道也有最後一著而勝者待

胡文忠公手翰

卷上

七

賊有變計乃起而應之此亦必勝之道也至于探報路徑則須先期妥實辦理

十九日 見全集卷六十八

二十七日得二十六日花板石來函敬悉一切夾擊原在上策欲破滅此賊非此計不行然須密計而不可宣露須并力而不可單弱須謀定後戰相機而行而不可或先或後此時且請密商蔣鮑二軍看定地勢審定賊情然後約期舉行大約是正月初旬及中旬之事矣臨陣之時一切機宜弟不能遙制亦不可

遙制以兄十一營及天堂余會亭六營并力一處弟
恐兄處力單仍以巢梁及建威軍三營到三和鋪以
備公調遣而留丁到交戰公防天堂之先二時分枝
并剿此一策也以兄十一營獨剿一路或出高橫嶺
或出牛肩嶺以余丁九營除留二三營嚴守天堂要
隘以六七營出水吼嶺此一策也總之臨陣之時必
須以二三營分布要隘以杜賊之包後抄尾斷不可
一力前進致犯兵家之忌而啟狡賊之心此爲至要

胡文忠公手翰

卷上

辛

賊匪除卻分枝抄後并無他長此宜切切在意若打
硬仗而軍心不亂賊力實遠不如官軍也又近日太
湖賊困不僅宜防潛桐之賊包抄我後并宜於臨陣
之時預防城賊計窮突出從山徑衝犯此雖鄙人之
鯁鯁過計然亦不可不留心防備恐不先不後恰遇
城匪之奔軼也 二十七日晚二更 見全集
卷六十八集內尙多三行
二十四日看視地勢之函 二十五日辰刻發
二十六日辰刻到而弟所
封交之札尙未接到此時賊伏不動另有奸計必須

堅以持之正二月弟尙不催戰也貞左在水吼嶺似
尙可調如應調并一路則請兄札行弟再補札吳幹
臣五營并樂兒嶺馬隊四百如可調入天堂并抽二
百馬隊助戰亦可行也若以此枝人馬調至天堂或
水吼嶺以截敗賊更妙乞酌定示之羅溪河之兵二
千餘人兄意欲挪營郭公嶺且待公拔營之日弟卽
札行已函商滌帥矣舒六爺有馬隊二百弟尙有新
調老馬隊百二十名

在張家塋

均可備用兄處函寄山外

胡文忠公手翰

卷上

三

各軍總要從容爲妙

二十六日申刻

除夕得余參將會亭函所論山內山外地勢與西路
北路賊情暨我軍前面後面一切佈置似有可採原
函另抄寄閱連日接據禮堂都護春霆總戎函以前
敵情形萬分喫緊迭次請援此間實無多兵可撥非
山內之軍急出而拊其背霆營被賊圍攻勢難施展
祈仁兄審慎機宜與會亭月臺介唐安速會商分佈
停穩先期密約多鮑剋日并力出擊萬一山外之軍

未能卽應亦可挾山內全力全勢作以湯沸頂之謀
惟必須一二勁旅留守天堂或酌派隊伍以護舊壘
其鐵鎖嶺關要之處或卽以葉令派勇扼守我軍挾
釜張前行出山之前以歸并一路爲是近賊之後或
分或合或直入或旁抄皆在相機而動林翼固不能
遙揣惟望慎密速行耳離營太遠則力疲勢渙仍以
擇要安壘再戰爲宜酌之或
地勢險要不煩多壘亦可
相機而行 除夕四鼓

如須舒六爺馬隊尙有數十名在蘄水尙可從省中

胡文忠公手翰

卷上

三

調二百好手到此相助如須用卽趕來也幹臣應調
入尊營參謀軍事否千言萬語無非欲穩耳

所寄滌帥及軍門書附上一閱

元日

初三日得來書敬知初三日拔營并三路進兵之議
於初四日專差函復矣弟聞狗在銀硃塔故以右中
二路爲重而左路爲輕然分合多寡緩急之間耳聞
不如目見弟萬無成見亦決不遙制悉聽仁兄主持
調度

初一日之信布置
極精安弟不移動

須步步防埋伏防包抄又狗之所在兵力須厚是所
切求耳所望以狗肉一鬻見賜則弟當設李忠武之
位而祭饗之并可解弟不孝從軍之罪於萬一則拜
賜多矣戰勝之後賊必狂奔隨機應變運掉之妙捷
如轉丸極須靈活直爽慎以思之明以決之其軍中
所需錢文大半解至霍山由霍山轉運刻下又催錢
到英山須用之時隨兄指示

初五日

唐義渠恐城賊由岔路口越馬齒嶺至落溪河小湖

胡文忠公手翰

卷上

三

河又恐援賊由王家學山至小湖河落溪河以東門
缺圍城賊必由此而出也又及

初二日得之純觀察二十九日戌時一函并山勢地
圖已將來信來圖並抄寄閱矣圖中形勢尙煩詳查
其來函或有可採或不甚妥卽如所言小池驛爲通
衢寔營較爲吃緊一說之純近在十里寔營近六七
日日夜告急而勢不能援則軍事之言易行難已可
想見其所言以金余駐水吼嶺爲老營一出王家牌

樓一出野人寨一節鄙意以山內萬人并力破賊爲上策若以兵分駐野人寨是將四五萬之賊一并包在腹中如能齊力齊心原是核心困項之法特恐無此本領則又有分兵力單兼恐有窮感橫決之虞似須再審至山內一軍固應密約山外之軍內外夾攻然兵法總以賊來求戰爲上算我去求賊爲下算所謂制人不制於人也卽如二十二日之戰山外各軍出隊二三十里氣竭勢渙故終爲賊所乘也不可不

胡文忠公手翰

卷上

十四

慎鄙意天堂山內一軍出山後且紮定以待審機審勢誘之來戰當易破也何也山外之軍隔賊壘二十餘里山內之軍又隔賊壘二十餘里合計中間共隔五六十里則訂期密約亦僅止大概情形仍靠各路之人各自力戰耳至所言速移數營於東門抽出新倉三營於小池驛一節查滌生元帥已撥人入太湖又飭唐道全軍速援春霆矣一切機宜請多副都護義渠觀察會商酌辦弟不遙制此間遠隔二三百里

軍機瞬息千變不可以公牘空言往返遙制恐文到

而情形又變無可適從也弟之愚見姑陳大概然臨

機應變全在老兄與各將妥商廷璋兄亦穩練若之

純則一味大言恐是其營中鴻濛子所誤耳

正月初二日

且以穩固破滅此賊爲主之純信鴻濛子

雲南人

之言

恐言過其實耳并力爲上計審勢審機爲上計

初二日又及

得讀初一初二日書敬審初二初三進兵情形并三

路地勢愚見右中二路尤須厚集兵力并須分枝之

胡文忠公手翰

卷二

七

後會集不遠每路非四五千人不可以狗逆所在須

重兵乃可屠滅似須專人速催凱右信左爲助其左

路賊少似可二千人或二千餘人慎守不輕進爲是

俟賊奔潰急起乘之或可多殺敗賊凱右信左二營

計遲二日可以到齊吉營又須遲三四日可到水吼

嶺矣天堂本善地既有

會亭月台

九營二成隊留防則凱

右信左吉營均各助戰以成大功兄台速卽專人迎

提檄調臨陣地勢尤爲切要請先一日二日安紮老

營之時親同明白營官四圍審視一次必可得賊之
要領雨雪在途軍行極苦弟心感心敬不知何以報
此將士也至多鮑蔣唐處弟與兄處自應先期密行
知會

正月初三日二更
見全集卷六十九

初九日亥刻得蔣之純初入日申刻急稟言賊匪急
圍霆營等情如兄台出高橫嶺并力破賊尙可救也
之純言賊勢上趨欲兄從高橫嶺出龍灣此申機宜
尙須兄台偵探審慎自行決策林翼本無餘兵儻太

胡文忠公手翰

卷上

美

湖後路有警請舒六爺派所部到張家榜聽候會剿
并請中堂速派馬隊二百到張家榜來會而林翼自
行酌帶會剿亦尙可稍顧楚疆至所言以余丁守水
吼嶺以兄上援亦應俟兄審量賊勢緩急機宜以偵
探爲憑此間三百里外恐難遙制也又言該營從驛
路上打一節查該營近在咫尺尙難救應恐託空言
應卽相機妥商辦理之純函另鈔寄閱

正月初
九日夜

連日兢兢急望尊處先占高橫嶺初八初九初三

次專函商之吾兄以居井底爲戒以先踞山巔爲勝
并切囑高橫嶺不可讓賊占之日昨得月台兄書言
所駐之處私心總覺其稍低又月台兄以地圖并書
來示言紮營之地名曰燕窩是必外凸中凹乃爲窩
形此恐犯兵家之忌十一日未刻又得初入夜書指
陳高橫嶺白楊嶺茅嶺之要如此則虜在目中必勝
無疑林翼可私浮三大白矣預賀預賀蔣信言賊上
竄謠言也蔣近在鮑營十里咫尺不救而能救大局

胡文忠公手翰

卷上

三

乎山中一軍萬人旣得地勢則惟有審慎賊情爲要

愈老愈堅湘軍之本領也切莫改樣

正月十一日
見全集卷六十

九兼致余會

亭丁月台

十二日得復書知已到白楊嶺會亭十一日可到高
橫嶺甚慰太湖羅溪河等處公可不顧多分心則志
不專鮑營三千餘人傷亡一千餘人夾擊亦難成功
賊館須以銀募團民盡焚之卽費數千金我亦不惜
見屋卽燒無論何人之
屋大神之戶燒者倍賞
夜間可募團局死士以火能

擾賊多費千餘金賊夜不得安卽日不得戰只要燒屋是賊館是民居均不管賞錢莫吝弟不辭也打仗之時另有散人從野人寨上游一帶燒起賊尤心驚急謀大捷以救鮑超

十二日亥刻

十六日得十三日來函所有軍火各項已函致王丞

葉令飭其作速批解原函另抄呈覽

十六日夜亥刻

初八日親看地勢知虜在目中鄙見以雄踞高山者勝高橫嶺何如凡立營總不宜居人之下

高橫嶺不可讓賊占

胡文忠公手翰

卷上

三

之眼高于頂乃能力大于身也一切早在蓋抱中姑一鳴以効芻蕘耳滌言狗死或未必然賴古等賊不能如此苦戰也

初十日午正

昨將札稿函寄尊處候兄酌行如有定局余軍全行以聽尊令則呼應較靈不致二二三其德也

貞左將傷凱右以已

紮定不願移且有滌帥屢欲調幹臣入天堂弟不敢聞氣閒話在前也

決尊意以爲何如二十四日蔣營西移諒必紮穩矣蔣營所轄亦湘軍之精者余軍器械尙全否舒六爺

且駐龍灣爲是

二十五日巳刻

凡事持重師法希菴賊若打敗則須急追不可師法
希菴又及

孔子登東山而小魯登泰山而小天下湘軍登山頂
則小狗何足道哉大約近五日必一鼓成功矣弟近
日又撥趙國香朱子明楊凱臣到羅溪河因滌帥已
撥二千五百人在彼駐紮

鄖兵李璞階振字營

再加三營可以

無虞矣

尙有馬隊在張家塆有羅溪河則張塆無憂

尊處亦不可分顧太

胡文忠公手翰

卷上

无

多太多則氣散心散矣尊處以戰爲主他人疑惑之
詞不必顧也今日專人送信且走羅溪河至高橫嶺
看遠近如何

料去可近八九十里

十二戌刻 見

看遠近如何

霆營尙穩餉道尙通

全集卷六十九

兵法在攻瑕須審賊之虛怯處入手則擊者不攻自

破必勝之道也

十三日巳刻 外春霆寄來一圖附上

之純前信徒亂軍心且多疑多顧非兵法也公只管
靠實打仗不必兼顧他人用兵以專一爲主心專則
氣專氣專則力專今日立春從此平吳保楚爲百姓

造福公與諸將大兄之力也敬賀敬賀

初九至十三日已八輩專差到貴營討必有捷書在途此後專差到營請令人單書數行見惠仍註明到時發時爲荷各信抄上

十四日辰刻

鮑營已圍三面滌帥撥六營助之弟撥三營助之多撥二營助之

十六日早晨得十二日酉刻來教敬悉一切連日大雨恐難進剿兵力固宜休養地勢又須審慎前敵鮑

胡文忠公手翰

卷上

三

已穩守也滌帥所言緩戰急戰一說似難遙制此不可定期限之事滌帥言山內步步進紮一說愚意進紮向前恐無此地勢似須再審大抵破大股賊總須覓其虛怯單弱不提防之處下手則勢如破竹矣破竹之法從根起則刀鈍從尾起則刀利于營官砲傷心甚懸念介唐十三日來書以天堂內地空虛爲念弟囑其不必驚訝凡兵事不可紛心紛心則氣不專力不果神不凝如十日後天堂果警蕭翊必到儻實

爲難弟當封一預備之札存留兄處屆期無警不必
發行屆期有警則以月台桂禮之營回守根本亦可
行也蔣之純議論多虛不必管他可惜內有三四好
營官不得其力也從容審重必成大功

十六日
戌刻

銀硃塔之賊已遁若循紅土山據高而下擊之可速
破也惟潛山入天堂之路乃全軍安危所系餉道所
關應請兄速會會亭兄循山移剿而請月台兄移桂
禮三營駐賀家嶺或水吼嶺弟今日預札尙是爲天

胡文忠公手翰

卷上

三

堂近日有警起見明日另札飭知卽請月台兄移駐
賀家嶺也如嫌兵少或撥昌營一營或酌撥抽撥凱
右信左一二營均可行也明日似可晴或是破賊之
機乎且滌帥以七營出新倉以助鮑亦于十六七日
可戰也

十六日三更至十七日
子正 見全集卷七十

昨於十六日寄奉一函連日大雨十三日山內各軍
進戰而銀硃塔一帶之賊已棄壘遁走山內各軍近
日酌量移營進剿似當循紅土嶺一帶依山而壘步

步逼緊也如賊勢另有變動則相機而行弟亦不能遙制惟是與四眼狗交戰有進戰之營必須留營作守假如以十營作前茅爲戰兵卽當留五營作後勁爲守兵其留後之兵尤須勁旅成功一也不可爭日前之微功而誤大局以此類推可也查去年賊圍李若珠本已數戰不能破入賊忽發一枝兵馬繞入揚州城邊揚州告急李若珠分兵前往而賊又急攻李若珠之壘遂致被圍又查近年在鄂總是分枝作小

胡文忠公手翰

卷上

三

包大包之勢專以狡計與官軍爲難若堂堂正正賊亦不能戰也弟意小池等處兵力已厚其出隊之日總須留一軍或六七營按兵不戰以杜後患而虞抄襲又山內一軍進剿尤須留勁旅五六營以顧天堂根本并駐守賀家嶺水吼嶺等處以佻奸謀切囑至囑萬勿輕心大意

正月十七日

二十五日山外大捷仍是待賊出隊先敗後勝聞殺賊實逾三千實足爲慰山中一軍不難於出隊而難

於收隊賊必待午後始以大股迭進非忍以待之并
預蓄餘力以待之不可乞以此意密商會亭也弟意
總須候賊求戰乃可出隊山內山外約戰則須實見
山外各軍得機得勢有可赴約之實據乃能乘之否
則不如按兵以待釁也賊不能再支一月一月則糧
竭而賊自潰弟意總以持重為主弟又擬調樂兒嶺
一軍入天堂從遠處設三伏截其歸路如何乞兄酌

之示之

二十七日 見全集卷七十手翰缺

胡文忠公手翰

卷二

三

二十七日已知太湖小池驛之賊盡已敗竄如何追
剿急謀潛桐尚乞速決至天堂地方應請酌派丁余
回防以重中樞仍可由天堂出桐城也七營已移者
速卽檄調并力

二十八日子刻

潛山旣得應以滌帥謀安慶多鮑蔣謀桐公與余或
謀桐之後或謀舒桐之中或俟青草搗賊壘破後公
分任大關小關中梅河等處或多與蔣與鮑任青草
搗而公卽任大關小關弟在此候希菴一切進兵之

畧請兄酌示

三十日夜

桐城爲謀皖之要地得桐城然後安慶可圖前此八年冬間以重兵先圖安慶乃失算也惟潛太克復多禮堂兄鮑春霆弟均目不交睫日夜疲勞已四五十日矣似應酌緩十餘日暫駐潛山休養兵馬弟意卽請我兄與會亭弟輔庭兄迅取桐城如嫌兵力不足則芝純兄入營亦可酌量商定添調數營同往桐城或卽全數調往亦惟芝純兄酌辦至英霍一帶原是

胡文忠公手翰

卷上

書

初議第三路俟有緩急鮑公一軍尙在潛山小池等處儘可策應也

二月初一日

粵逆竄擾以來皖民受禍最久迷溺尤深誠恐行軍之際賊黨造作謠言蠱惑人心果於從逆亟應出示曉諭破其從前之惑予以自新之途亦解散賊黨之一法茲付先後告示若干張卽速轉交各路偽職并張貼通衢俾其家喻戶曉去邪歸順實爲至要

初五日

初五日以後音驛至今未到諒是冒雨拔營布置行

止情形何如各路未進或不宜急也滌帥原定四路本是最計後因兵力未敷改爲三路又因賊勢之盛并爲二路正月大戰則駸駸乎并一路矣因機因勢原不可拘執爲膠柱契舟之見惟此後仍應分三路一懷一桐一舒乃可得勢并另留一軍備楚防作爲霍六之援兼備樅陽之用應商事宜開列於後

一訓營三千四百人已撤霆營二千五百人已添六百人已添二千二百五十人擬共添足六千二百五

胡文忠公手翰

卷上

三

十人須四月以後乃全若加以余之七營丁之二營共萬餘人可備第四路兼守天堂防霍六商固更以載舟中龔樅陽鮑已請假四月弟只准三月此枝應駐何處如何分法如何合法預擬及之 一湘撫十五營蔣道入營除凱右請病批調外共二十營不分拆營伍而獨當一路其氣已固其勢已厚似可扼賊要害有無應汰之營密酌以聞 一多禮堂須獨統萬人弟已許之查所部步兵十營須於得力之營各

加五十名共加三百名擬益以趙克彰朱希廣李雲麟共計約七千人加以馬隊千三百人擬以楊得武五百黃勝日六百陶茂林五百梁洪勝五百調歸多禮堂爲一萬人則縱橫開合必能成功謀桐謀舒均請酌示舒之地勢更利於騎且可杜廬州之賊窺伺六安之逆謀也 一滌帥處前有以蔣助圍之議惟

雲岩與溶川爲昆弟之盟則芝不可統雲雲亦不可統芝應仍歸并湘撫一路但弱者須汰耳鄙意欲以

胡文忠公手翰

卷上

五

幹臣率八百人加以英字三百餘人助之何如如應如此往返甚勞而昌營卽須移入霍山矣 一鄖鎮千人已挑入霆營二百三十名弟留步撥七十人應以七百人暫撤歸伍以阿參將久病也富龍伍可隨撫標營當差 一李續燾防剿一番或可免罪其勇五百可撤 一兵貴有統無統之散營乞示之其稍弱者應撤以糧台月虧六七萬兩亦不能不兼籌及之 一禮營蔣信玉楊占魁聞其頗勇何如欲去兵

以就餉而苦於難裁欲欠餉而養兵而苦於積欠且
爲我思之卽祈密復二月初九日夜
見全集卷七十

又一切如何歸併如何調撥速卽籌示此密商之意
切盼切盼 又滌帥厚帥多都統信一并鈔上乞細

閱示復 又滌帥欲舒公卽速到霍山以重第三路
以就其兵酌之

啟者棗驪名馬實湖北軍中第一美才與人一心成

大功敬以爲賀

二十六日夜

胡文忠公手翰

卷上

三

奉初七日手書知王名滔等俱已飭令前來勉爲好

將是在該將之努力耳

十二日

聞桐城有義士名儒文徵君鍾甫甘徵君玉亭弟欲
敬禮延訪求仁兄託人禮請給輿馬來營仍望示復

十七日夜 見
全集卷七十一

滌帥處已撥二千人恆左右禮前後也多公可撥黃
勝日李續燾與前趙朱楊李四營共三千二百六十
人鮑軍尙待整理增募應入天堂或霍山毛坦敞以

杜霍六窺伺否其帶兵官爲宋國永也思之酌之

十七

日亥刻 見全集卷七

十一與前段合爲一函

二十六日之書并次孫探報均悉進謀懷桐爲南路

之機要籌防霍六屏翰商麻又爲北路之至計應請

速籌分兵之路及布置情形

二十
八日

二月十一日辰刻奉初九日潛山手書雨雪尙未移

營私心稍安計議定後再移營庶無後悔也滌帥有

四月沅公到營再進安慶之擬又有聞三月始進安

胡文忠公手翰

卷上

姜

慶之議奈何奈何蔣稍怯猾滌頗知之亦不甚願其

往助故弟遂有幹臣之議然亦不敢謂其必可行也

至督標朱楊趙各營李雲麟必應撥歸多公尙不足

萬人之數應請老兄酌商定準

多應以步兵九千餘
人益之乃可獨當一

面只可於各營撥足不能再添人實無

弟意黃勝日

陶茂林梁洪勝均應歸多如滌帥准撤事恆歸籍則

恆左右亦可歸多也

酌之弟以
兄示爲憑天堂爲六縣樞紐若

弟駐此四路之聲援皆靈可戰可守于大營甚便惟

鄂中文報不如英山之便鄂省包封到營四日往返
一次蓋隔圻水只一百二十里故直捷也幹臣不離
霍山甚是餘件摘要密商滌帥矣希菴尙未到營盼
望之至所謂良馬果如公指揮否過小橋尺寸之板
則不能小石橋亦
尙無畏餘事
均無毛病私心竊竊恐不當意而又實覺萬馬中

以此爲良尙乞贊揚其美乃放心也一笑初九日夜
半所發尙乞詳復弟當以爲準則也二月十
一日

安慶之不能卽進實緣滌帥兵少又無統將滌帥實

胡文忠公手翰

卷上

三

可念也原信奉上祈查閱示復并繳還應商事宜條
列於後 一公與余且捍潛山作欲進之勢待林翼

至宿松太湖議定再進 一滌公欲撥之純八營以

助安慶林翼意欲且留於湘軍大隊中其營中營哨
均可用也弟意欲以幹臣率三千人助滌帥或於各

將中挑湘軍二千人而准事恆告假以一千人改隸

湘軍中

如胡達軒等以均是
三千人之才何如

或卽以八營交之純助

滌均候示下

一春霆三千三百人所未傷者不過

二千若急用之則又如迪帥三河之急進必貽後患
不如且留三月作後勁 一多禮堂善戰亦應休養
二三月作後勁且將此軍作剿兵主戰不主守主援
不主圍 一尊處一軍異日總要扼一賊所必爭之
地使懷桐廬江之賊欲不爭不戰而不可得仍須暗
備八千人肆應不窮乃可得手若逼城下又是一枝
呆兵笨兵卽十年亦無功矣 一春夏軍餉必大虧
然亦無法秋冬則可稍補矣去冬所蓄去冬已竭盡

胡文忠公手翰

卷上

單

無餘弟去鄂鄂餉必漸少

只可任其自然
無法可補救也

一弟營

應否移野人寨外控懷桐以通各軍之氣內顧天堂
以重山險之聲援 一滌帥求兵將弟不能不應速

思擬以益我手此密致

初六日
辰刻

奉十三日十四日書敬悉卽逐條敬復於後寔營暫
駐山外昌營卽隨公進勦多經大戰可爲美材多宜
爲游擊之師除趙朱楊三營并李雲麟黃勝日二營
共計二千七百六十人尙須酌撥二營璞塔狡猾恐

異日終爲小人滌丈處已扎撥恒左恒右禮前禮後
四營如滌意尙嫌兵少則以霆營助宿松或懷甯之
防弟之隨護只須三營可於前敵大營中將積勞積
苦之營有規矩謹嚴者三月撥換一次以資休養卽
以資鎮撫不須三五千入亦不能有三五千餘力也
公所論桐懷地勢急進緩進之事機甚當桂字營李
文盛現仍飭駐天堂而留爲鮑春霆之助春霆已定
議於前也舒六亦待鮑尊處任桐協以蔣余多備策

胡文忠公手翰

卷上

聖

應此目前之定局幹臣一軍暫守不動滌意只求二
千人業以恆左右禮前後應之矣多處如以璞階應
之則再撥發中亦可希庵三五日必到矣名馬荷蒙
題贊欣快無似弟亦與有榮焉

十七日

十六日復書已到鄙意滌處已撥二千人多處已撥
督四營并李兩蒼黃曉亭如欲再撥弟實窮不可言
身邊只剩選鋒一營天堂亦只剩桂字半營矣愚見
總恐北路空虛意欲先事布置守而不戰不知何處

扼要靈營先往何如毛坦敵何如霍山何如流波幢
何如乞籌思總要可固楚而保霍六之要地明以教
我希公十五日起行今日尚未到也十八夜

多鮑尙待休養蔣亦有調歸濬帥之議昨已詳悉奉
商請兄速卽籌復弟之愚見公軍且待籌再進此時
恐難深入也舒六爺欲調察營總張塋馬隊此枝僅
百二十名有二十餘名是見仗之才其餘雖是額兵
尙未見仗且貧苦難狀正月口糧未發須飭糧臺速

胡文忠公手翰

卷上

望

給乃可調往前敵也次孫言余軍欲速進桐城弟恐
到城下又是笨著不如多算三五日再定也初七日
午刻

二十二日得十八夜亥刻書并羊毫筆二十枝連旬
風熱大作正苦執筆之難得此佳毫乃爲一快謝謝
舒界之賊似已退去希庵十八日乃到黃州再過三
日當可到營應撥濬帥處千人或五百人候示乃定
成得升及歐崇如之兵將不勇成大吉又極好肅亦
極好似應旌別以勵戎行二十二日
夜亥刻

二十八日接伍令二十六日探單鈔呈台覽敬乞察
度情勢應以何枝應桐何枝備安慶援應何枝防霍
六何枝防商固以備潁州三河尖各路之警祈卓裁
示復爲禱 二月二十八日亥刻
見全集卷七十一

再者滌帥圍安慶之兵稍單如多公之意欲圍安慶
則滌帥亦會桐城 如此則桐城有守兵有
戰兵卽舒六亦有援兵 如多公之

意欲圖桐城則以撫湘之軍再酌留一枝助滌帥而
李公部下盡規霍六鮑鎮留防商固總候多公復信

胡文忠公手翰

卷上

望

到後再定局耳如多公允作四路策應之師則霍山
六安商固應如何籌防分布卽希籌示 二十八日
見全集卷七
十一

潁州府已陷三河尖有警擬以宋國永一軍爲北防
應駐何處乃安 見全集卷七十一
前其三段合爲一函 與

初六日得初四日函敬悉一切浙事危急近狀又不
知如何財賦之區根本之地澹公正人而急邁此危
難心憂萬分前此澹公自行疏請滌帥往援尙未奉

旨擬先以蕭翰慶挑訓營三千人並率韋志俊二千人應之卽日啟程仍再募五千人隨後再進特慮緩不濟急耳滌帥擬仍歸安慶一路多公不願霍六而願趨桐城卽欲以此路任之麾下與各軍均在青草埔以備各路之警惟須酌撥一枝以益吳守定霍山鮑軍暫留後路希公有遠剿近守之議所論極精想不日到營一切均可商也弟日來感冒在床不能

執筆倩書道意

初六日

胡文忠公手翰

卷上

醫

浙江如危以霆營六千人援之何如此閒足以制賊否弟病甚奈何

希堯尙未到然二十四五日必來英山矣似可再遣親兵馬隊千人來英山迎迓之舒六之局總以霆營合幹臣爲守局如有小警則以昌應之如有大警則以湘軍分三千人應之如不分昌力則以湘四千人應之更妙此時霆營尙須養息且緩一月再酌舒六爺馬隊四百似須調歸舒六爺身邊樂兒嶺守尙有

餘酌之桐城之兵應進然亦須晴準乃可行也滌帥
尙欲一千人以左營新左營應之而準其告假以浴
川代領左營何如他處籌撥均易惟多處籌撥更難
已撥去督四營并左仁建威六營矣 成得升及歐
公一營勇力怯弱須認真直告希庵湘軍天下所獨
不可使他人有口實也 勇無不可強者易將則弱
者可強若以五百人汰成三百八十人而另選勇將
代之不過十日兵力頓爲改觀所謂兵隨將轉也所

胡文忠公手翰

卷上

聖

謂鼓之舞之也

二十三日

天晴進兵弟處公牘久已定稿所以遲遲欲待希庵
也來示已悉近日商固一帶尙無警報弟思商固及
北路總是守局爲穩希公言守遠不如守近弟深服
其言擬以霆營駐扎但店兩路口松子關之間以資
防守其據險扼要之處應乞老兄卓裁詳悉指定爲
要此閒情勢擬以第一二路遠勦第三四路近守也
第三似應守霍山之城第四似應守商固麻羅之交

浙江岌岌不支弟已飛飭蕭守翰慶率衡州勇二千人並韋志俊所部挑選三千人星馳赴援澹公疏請滌帥援浙尙未奉到諭旨卽得旨似應留皖弟感冒在床精神委頓未能搦管倩書道意

初四日

霍山城守須若干人如移毛坦敵則須五六千人

接到十四日亥刻書所論東南全局剴切而有條理已鈔寄揆帥滌帥希公及多都護各處請其酌定惟杭垣已於前月二十七日失守蘇杭嘉湖之變日危

胡文忠公手翰

卷上

吳

一日卽令裹糧飛渡恐亦無從着手奈何痛正人之已去傷大命之將傾宵晝焦思病體增劇

三月十六日

細思事機稍鈍只可籌議妥當再爲大舉舒六之

交非安排二萬餘人不可滌帥現汰去平江營千

人又去湘後營總理何君一人意欲弟撥督標四營

乃可進逼懷境弟意督標四營須撥與多

多須撥

足萬人九千餘人之譜昨夜反復思議有未定之

處擬以湘左亭中新左恆右恆左撥歸滌帥一說也

以湘左亭中新左撥歸多又一說也以鮑先助謀懷甯交宋國永帶去又一說也恆左右俟事恆假歸而改交兄處另爲管帶又一說也總之懷甯是守局舒六是賊所必爭之局懷輕桐重而舒六尤重此不易之理賊救懷甯處處皆水賊救桐城賊乃四面受敵惟舒六乃可得逞彼固有廬州爲根本也多之萬人與滌之二千人如何撥法如撥鮑以益滌則目前尚可而異日江岸輕而內地輕矣如以蔣益多或以蔣

胡文忠公手翰

卷上

四

益滌此中分撥多寡之處乞兄細籌開示手此飛致

卽頌台安密復爲企

十二日

日前得各件公意與伍君之議均以謀桐懷則賊必先救根本但恐嬰城不戰另以鉅股北犯以狡焉思逞耳滌帥除二千人外尙欲二千人或數百人弟意

蔣道告假以溶川代領其軍撥歸雲岩何如

二十日

頃得滌丈復議舟載陸師雕勦之說另抄來信開明請逐條指示滌帥所慮三事似均不難其水軍統帶

戰船一節厚庵兄雪芹兄亦可派定其陸師統領一節希庵兄自爲之其總管民船四百餘號一節并軍火口糧老兄派人爲之均乞酌定示復惟三安鋪之兵雕勦則望鶴坡之兵不能再偏桐城又賊勢上犯之時則雕勦之兵仍由何處登陸回援懷桐楚疆均是要着亦乞議及

十六日

滌帥處只要三千人或二千人定以事恆一千益之

滌意似不要蔣

又可擇與朱雲岩最善者加三營或二營足

胡文忠公手翰

卷上

吳

矣鮑之五營且紮潛山湘帆言兄與希庵本相待甚優而有不可言之苦情

密與邢公言之未與弟言也並言各營官均相得大

約欲避小人之舌鋒也兄試詳詢之賊勢似注於桐城弟則仍恐終非注於桐城舒六霍乃其注意處也

希庵初十日到鄂省矣

十四日

滌處撥何營多處撥何營不能萬人須九千人否則亦須八千餘人幹臣不動何人助之

滌帥季公信奉上一閱卽乞密存于心原件卽還爲

荷應以水路爲是約定多公馬隊從練潭夾擊不宣
不洩爲要須挾全力八千人尙嫌少此第一好仗也
須遲須到縱陽有準信來乃可會酌之二十九日
直說奉旨由浙江至蘇州臨拔營之時可宣此語氣
痛尙未瘡未及走送

浙江漸清昨日 廷旨飭蕭韋援軍折回是我輩只
應謀皖耳澹公事聞全家均存亦是可喜

公爲軍務萬不可少之人必乞強留以待成功弟病

胡文忠公手翰

卷上

晁

甚久服仲遠方稍可拳拳強求之意萬乞格外垂念
沈公百金因便附還精力稍佳再容續布二十三日

